



Concello de Cospeito

EDICTO

O Pleno do Concello de Cospeito en sesión extraordinaria celebrada o día 7 de outubro de 2021, acordou aprobar as bases que rexerán a convocatoria para a concesión de subvencións dirixidas a axudar aos sectores da hostalería e outras pequenas empresas ante os efectos económicos da Covid-19 que resultan ser as seguintes:

BASES REGULADORAS DA CONCESIÓN DE SUBVENCÍONS DIRIXIDAS A AXUDAR AOS SECTORES DA HOSTALERÍA E OUTRAS PEQUENAS EMPRESAS ANTE OS EFECTOS ECONÓMICOS DA COVID-19

BASE PRIMEIRA. OBXECTO E FINALIDADE DA SUBVENCIÓN

O obxecto destas Bases consiste en regular a norma pola que se rexerá a convocatoria pública de axudas para as persoas autónomas e microempresas de ata 10 persoas traballadoras cuxa actividade se vira afectada durante a pandemia, radique no termo municipal de Cospeito e cumpra os requisitos que se establecen nas presentes bases.

A finalidade destas axudas é paliar o impacto na actividade económica que supuxeron as declaracións dos estados de alarma, coas distintas restricións pola evolución da pandemia e o peche perimetral e illado do Concello Cospeito entre o 27 de xaneiro e o 26 de febreiro de 2021, ordenado por normativa da Xunta de Galicia pola que se adoptan medidas no territorio da Comunidade Autónoma de Galicia para facer fronte á crise sanitaria, na condición de autoridade competente delegada no marco do estado de alarma declarado polo Real decreto 926/2020, do 25 de outubro, polo que se declara o estado de alarma para conter a propagación de infeccións causadas polo SARS-CoV-2 da Xunta de Galicia, a través da achega de liquidez ás empresas e persoas autónomas do Concello de Cospeito para contribuír a facilitar o cumprimento das súas obrigas empresariais, mantemento da actividade e o emprego e amortecer a redución drástica de ingresos.

Terán a consideración de gastos subvencionables os seguintes:

- Gastos de alugueiro (bens mobles e inmobles)
- Gastos de alugueiro de maquinaria e/ou vehículos.
- Gastos financeiros directamente relacionados coa actividade.
- Servizos profesionais independentes; xestoría, asesoría e consultaría.
- Gastos de subministro de auga, luz, gas e teléfono.





Concello de Cospeito

- Primas seguras; seguros de responsabilidade civil, seguros de accidentes. Vinculados co exercicio da actividade económica.
- Mantemento de comunicacións: teléfono, internet, correos, mensaxería.
- Compra de mercadorías relacionadas coa actividade.

Estas axudas teñen carácter finalista polo que o importe da subvención concedida non poderá ser empregado para outros fins.

Os efectos do previsto nas presentes bases, consideraranse subvencionables todos os gastos efectivamente realizados dende o 14 de marzo de 2020 ata a data de finalización do prazo de presentación desta axuda. Polo tanto, o período de imputación de gastos a esta subvención será dende o 14 de marzo de 2020 ata a data límite outorgada polo Concello de Cospeito para solicitar as axudas que rexen estas bases.

BASE SEGUNDA. RÉXIME XURÍDICO


1. Regulación legal

O marco normativo está constituído polas seguintes leis e disposicións legais que se nomean a continuación e polas súas normas de desenvolvemento, así como cantas outras normas legais ou regulamentarias, conteñan prescricións relativas ás subvencións ou sexan susceptibles de produciren efectos no devandito ámbito:

- Lei 7/1985, do 2 e abril, reguladora das bases de réxime local e RD 2568/1986, do 28 de novembro polo que se aproba o Regulamento orgánico de funcionamento e réxime xurídico das entidades locais.
- Lei 5/1997, do 22 de xullo, de administración local de Galicia.
- Lei 5/2014, do 27 de maio, de medidas urxentes derivadas da entrada en vigor da Lei 27/2013 do 27 de decembro, de racionalización e sostenibilidade da Administración Local.
- Lei 38/2003, do 17 de novembro, xeral de subvencións xunto co RD 887/2006, do 21 de xuño polo que se aproba o seu regulamento
- Lei 9/2007, do 13 de xuño, de subvencións de Galicia.
- Lei 39/2015, do 1 de outubro, do procedemento administrativo común das administracións públicas e demais disposicións aplicables e as restantes normas de dereito administrativo respectando, en todo caso o establecido na Lei orgánica 15/1999, de 13 de decembro, de Protección de datos de carácter persoal e no Regulamento UE 2016/679, do Parlamento Europeo e o Regulamento (UE) 2018/1725 do Parlamento Europeo e do Consello, do 23 de outubro de 2018, e o Decreto Lei 5/2018, de 27 de xullo de medidas urxentes para a adaptación do Dereito español á normativa da Unión Europea en materia de protección de datos.

2. Concorrencia

A concesión da subvención regulada nesta convocatoria realizarase en réxime de concorrencia competitiva, de acordo co establecido no artigo 19.2 da Lei 9/2007, de 13 de xuño, de subvencións





Concello de Cospeito

de Galicia isto é, terase en conta a orde temporal de entrada da solicitude ata terminar o crédito orzamentario destinado a esta finalidade .

3. Publicación

As Bases reguladoras desta subvención publicaranse no Boletín Oficial da Provincia de Lugo, conforme ao artigo 9.3 da Lei 38/2003, de 17 de novembro, Xeneral de Subvencións e, así mesmo na sede electrónica do concello de Cospeito.

Posteriormente, o extracto da convocatoria publicarase no Boletín Oficial da Provincia de Lugo, cuxa publicación iniciará o prazo de presentación de solicitudes a partir do primeiro día hábil seguinte.

O acordo de resolución será obxecto de publicación na sede electrónica do Concello de Cospeito e na Base de Datos Nacional de Subvencións, fornecendo esta publicación os efectos da notificación. Conforme ao artigo 18 da Lei 38/2003, de 17 de novembro, Xeral de Subvencións, deberase remitir á Base de Datos Nacional de Subvencións información sobre as convocatorias e as resolucións de concesión recaídas nos termos establecidos no artigo 20 da citada Lei.

As persoas beneficiarias deberán, así mesmo, dar publicidade das subvencións e axudas percibidas nos termos e condicións establecidos na Lei 19/2013, de 9 de decembro, de transparencia, acceso á información pública e bo goberno e deberán dar a adecuada publicidade do carácter público do financiamento de programas, actividades, investimentos ou actuacións de calquera tipo que sexan obxecto de subvención, nos termos regulamentariamente establecidos.

A súa tramitación realizarase por medios electrónicos en aplicación do disposto no artigo 14.3 da Lei 39/2015, de procedemento administrativo común das administracións públicas.

A presentación da solicitude implica o coñecemento e aceptación incondicionada das presentes bases reguladoras.

BASE TERCEIRA. CRÉDITO ORZAMENTARIO

Para o exercicio 2021, o importe máximo destinado ás axudas ascenderá a contía de 10.000, con cargo á aplicación orzamentaria 433.48000

Tendo en conta o obxecto e finalidade das presentes axudas, o procedemento de concesión tramitarase en réxime de concorrencia non competitiva para tódolos solicitantes que cumpran condicións e ata finalizar o crédito dispoñible.

As axudas serán compatibles con calquera outra para a mesma finalidade sempre que o importe total subvencionado non supere o gasto total realizado e xustificado.

BASE CUARTA. REQUISITOS. PERSOAS BENEFICIARIAS

Poderán solicitar as subvencións previstas nas presentes bases aquelas persoas, físicas ou xurídicas, así como as comunidades de bens, sociedades civís ou ben, outras entidades económicas sen personalidade xurídica, legalmente constituídas, que leven a cabo as actividades empresariais que motivan a concesión da subvención e que cumpran os seguintes requisitos:





Concello de Cospeito

a) Que se trate dunha actividade empresarial, excepto aquelas actividades incluídas no epígrafe CNAE 9200. Actividades de xogos de azar e apostas.

b) Que a actividade sexa desenvolvida por unha persoa física (traballador/a autónomo/a), ou unha microempresa ou pequena empresa.

As microempresas son aquelas definidas conforme ao Anexo I do Regulamento (UE) nº 651/2014 da Comisión, do 17 de xuño de 2014, polo que se decláran determinadas categorías de axuda compatibles co mercado interior en aplicación dos artigos 107 e 108 do Tratado, publicado no Diario Oficial da Unión Europea (DOUE) L 187, do 26 de xuño de 2014, segundo o cal a categoría de microempresa está constituída por aquelas empresas que ocupan a menos de 10 persoas e cuxo volume de negocios anual ou balance xeral anual non excedan de 2 millóns de euros.

Terán a consideración de persoas traballadoras autónomas beneficiarias aquelas que tributen mediante o sistema de módulos ou ben as que tributando en estimación directa non superen un millón de euros de importe neto de cifra de negocio anual no ano 2020, según a declaración de I.V.E. anual modelo 390. En caso de estar exento de I.V.E., según declaración do trimestre do ano 2020.

c) Que a actividade tivese unha baixada de facturación igual ou superior ao 30%, no ano 2020 con respecto do ano 2019.

No caso de non poder realizarse a comparativa anterior por tratarse dunha empresa creada no ano 2020, realizarase a comparativa entre o trimestre de maior e o de menor facturación do ano 2020.


No caso de ser unha empresa creada no ano 2021, a comparativa será entre o mes de maior e o de menor facturación do ano 2021.

1) Os datos para realizar as comparativas deberán ser os que consten no modelo 390 do I.V.E., ou nos modelos 130 (cuarto trimestre).

2) Para a comparativa de datos por meses deberanse ter en conta os datos do libro rexistro de facturas emitidas dos períodos alegados polo solicitante.

3) No caso de que as persoas ou entidades solicitantes tributen no réxime de estimación obxectiva ou módulos, a diminución de facturación deberase acreditar, en caso de ser requerido, coas copias referidas aos períodos de comparación, do libro de facturas emitidas e recibidas, ou libro diario de ingresos e gastos, ou libro rexistro de vendas e ingresos, ou o libro de compras e gastos, ou calquera outra forma admitida en dereito para acreditar a diminución na facturación, como poden ser, entre outros e tendo en conta a actividade económica, a presentación de descenso de consumo de enerxía eléctrica, copia do rexistro de caixa ou cobramentos e pagamentos por TPV, ou calquera outro medio, dos anos dos que se alegue a dismución de facturación.

d) Que a actividade empresarial se desenvolva dentro do termo municipal de Cospeito, independente do domicilio fiscal, con data anterior a publicación das presentes bases no Boletín Oficial da Provincia de Lugo.





Concello de Cospeito

e) Que estea dado de alta no réxime da Seguridade Social ou na Mutua profesional correspondente e na Axencia Estatal de Administración Tributaria no momento da presentación da solicitude.

Dada a natureza extraordinaria, tanto das actuacións subvencionables destas bases reguladoras como da situación do estado de alarma e emerxencia sanitaria da que derivan e que provocou que a meirande parte de persoas autónomas e empresas solicitaran aprazamento das súas obrigas tributarias, fronte á Seguridade Social ou á CCAA ou mesmo non poidan afrontar transitoriamente a súa satisfacción puntual, de acordo co establecido no artigo 10.2 da lei 9/2007 de 13 de xuño de subvencións de Galicia, se exime ás persoas beneficiarias desta subvención do requisito de atoparse ao corrente no cumprimento das obrigas tributarias ou fronte da SS e á Administración Pública da CA e o Concello no momento da concesión da axuda, sempre que se dea a seguinte circunstancia, que deberá acreditarse perante a declaración responsable que figuran no Anexo I da presente convocatoria.

BASE QUINTA. CRITERIOS E CONTÍA DA SUBVENCIÓN

Para os efectos de concesión das subvencións previstas nas presentes Bases terase en conta a orde temporal de entrada das solicitudes que reúnan todos os requisitos.

A contía da axuda será como máximo de 1.000,00 euros por solicitante.

Non se poderá conceder máis dunha subvención a cada solicitante, aínda que teña máis dunha actividade empresarial, profesional, ou comercial.

O aboamento das subvencións reguladas nesta orde realizarase polo cen por cento do importe xustificado, mediante ingreso na conta corrente da que se achegará certificado de titularidade no momento da solicitude.

Esta axuda será compatible con calquera outra concedida polas distintas administracións públicas con competencia neste eido, sempre que non superen o custo total dos gastos subvencionables.

O importe máximo destinado ás axudas ascenderá a 10.000,00 euros, de acordo coa consignación orzamentaria procedente.

BASE SEXTA.- PRAZO E FORMA DE PRESENTACIÓN DAS SOLICITUDES

As solicitudes para participar no presente procedemento haberán de presentarse no prazo quince días naturais, a contar dende o día hábil seguinte á publicación do extracto no BOP, en conformidade co procedemento establecido no art. 20.8 da Lei 38/2003, do 17 de novembro, X de Subvencións. Da devandita publicación darase información na sede electrónica do Concello de Cospeito.

As solicitudes deberán formularse no modelo de solicitude normalizado para a obtención de subvencións que constarán na convocatoria e que se poderán descargar na web do Concello de Cospeito (www.concellodecospeito@concellodecospeito.es) e deberán acompañarse da documentación complementaria.





Concello de Cospeito

As solicitudes, presentaranse por vía telemática a través da Sede Electrónica do Concello de Cospeito conforme ao artigo 16 da Lei 39/2015, de Procedemento Administrativo Común das Administracións Públicas.

A presentación da solicitude de subvención fora do prazo establecido e a non utilización, no seu caso, dos formularios normalizados de uso obrigatorio, serán causas de inadmisión da solicitude.

1.- Documentación xeral.

- a) NIF/CIF/NIE da persoa física ou xurídica titular da actividade.
- b) Certificado censal actualizado.
- c) Resolución/certificación da alta no Réxime Especial de Traballadores/as Autónomos/as ou á Mutua profesional correspondente actualizado.
- d) Certificado da titularidade da conta bancaria na que se deba facer o ingreso do importe da subvención e cuxa persoa titular sexa a mesma solicitante.
- e) Declaración responsable asinada pola persoa interesada ou persoa que ostente a representación legal ou apoderamento da persoa ou entidade solicitante que conterá o pronunciamento expreso sobre as seguintes cuestións (Anexo II)
 - Que coñece e acepta integramente o contido das bases desta convocatoria, cumprindo a totalidade de requisitos que nelas se recollen.
 - Que o local do desenvolvemento da actividade se atopa no termo municipal de Cospeito.
 - Que perante a Seguridade Social, figura dado/a de alta como autónomo/a en calquera dos epígrafes das actividades que recollen estas bases.
 - Que, dende a declaración do estado de alarma do 14 de marzo de 2020, tivo unha baixada de facturación de alo menos un 30%, comparando os datos de facturación do ano 2020 co 2019. No caso de por ser nova creación non teña datos do ano anterior, a baixada de facturación compararáse entre o trimestre de maior e o de menor facturación.
 - Que solicita a concesión directa da axuda que lle corresponde segundo o establecido nestas bases.
 - Que manterá a alta no seu réxime de Seguridade Social, por un mínimo de 3 meses dende a recepción desta subvención.
 - Que comunicará de forma oficial ao Concello calquera modificación nos apartados anteriores.
 - Tendo en conta o establecido nestas bases, o Concello non compensará da axuda a existencia de débedas con esta Administración Local, Seguridade Social, Facenda e AEAT.
 - Que a persoa solicitante reúne os requisitos para ser microempresa de conformidade co Anexo Regulamento (UE) nº 651/2014 da Comisión, do 17 de xuño de 2014.

2.- Documentación específica:

- a) Documentación acreditativa da baixada de facturación, con algúns dos seguintes modelos:
 - Modelo 390 dos anos 2019 e 2020.
 - Modelo 130 IV trimestre dos anos 2019 e 2020.
 - Libro rexistro de facturas emitidas dos periodos a comparar.
 - Outros documentos acreditativos.



Concello de Cospeito

b) Facturas e os seus xustificantes bancarios de pago por un importe igual ou superior a cantidade da subvención.

BASE SÉTIMA.- TRAMITACIÓN, PROCEDEMENTO E EMENDA DAS SOLICITUDES

Nomearase unha Comisión de valoración, encargada da avaliación das solicitudes e emitirá un informe no que se concretará o resultado da mesma.

Para estes efectos a Comisión de valoración estará composta polos seguintes membros:

- Presidencia: funcionaria da área de Intervención do Concello de Cospeito.
- Vogais: funcionaria municipal da área de Tesouraría do Concello de Cospeito.
- Secretaría da comisión avaliadora (con voz e voto): funcionaria da área de Secretaría do Concello de Cospeito

Recibida a avaliación das solicitudes e emitido ditame pola Comisión de Valoración, levará a cabo a instrución do procedemento e elevará, informe-proposta á Xunta de Goberno Local, propoñendo a estimación ou desestimación da solicitude formulada. A Comisión comprobará se a documentación presentada reúne os requisitos esixidos nesta convocatoria e, no suposto de que se observe algún defecto ou sexa incompleta a documentación, de conformidade co disposto no artigo 68 da lei 39/2015, do 1 de outubro, requirirá á persoa interesada para que nun prazo de 10 días hábiles, emende a falta ou presente os documentos preceptivos, coa advertencia de que, se así no o fixera, se considerará que a persoa ou entidade interesada desiste da súa petición, logo da resolución que deberá ser ditada nos termos previstos no artigo 21 da lei 39/2015. Os requirimentos realizaranse telemáticamente.


BASE OITAVA.- PROCEDEMENTO DE CONCESIÓN.

8.1.- Realizarase a través de convocatoria pública, seguindo o procedemento de concorrencia competitiva, en réxime de avaliación individualizada, comprobando que as persoas ou entidades solicitantes cumpran coa totalidade dos requisitos establecidos e tamén coa documentación recollida nas bases reguladoras e na súa convocatoria, tramitándose a súa concesión por este orde de rexistro de entrada (data e hora) das solicitudes completas e correctas.

No caso de non presentar nunha solicitude a documentación completa, considerarase como data de Rexistro de Entrada a data e hora da última presentación relativa á devandita solicitude.

Unha vez analizadas todas as solicitudes, o órgano competente emitirá listado provisional de admitidos e excluídos. Este listado publicarase para os efectos de notificación as persoas interesadas na sede electrónica municipal do Concello, e contemplará o motivo da exclusión de cada unha das solicitudes non admitidas.

Unha vez que se publique este listado, as persoas ou entidades excluídas disporán dun prazo máximo de 5 días hábiles contados a partir do día seguinte ao da publicación, para que aleguen que no seu dereito consideren oportuno, ou de ser o caso, emenden a súa solicitude e presenten a documentación requirida.





Concello de Cospeito

Transcorrido o prazo de presentación de alegacións, a comisión de valoración procederá a emitir listado definitivo de admitidos e excluídos desta convocatoria de axudas, que deberá ser aprobado en XGL e realizada a súa posterior notificación e publicación.

A Xunta de Goberno local que adoptará acordo para a concesión da subvención e posteriormente realizarase o pago da mesma.

O prazo máximo para a resolución do procedemento será de tres meses, dende a data de finalización do prazo de presentación de solicitudes.

8.2.- As resolucións que se diten neste procedemento esgotan a vía administrativa e, contra elas, cabe interpoñer recurso contencioso-administrativo, no prazo de dous meses, ante o órgano competente da xurisdición contencioso-administrativa de acordo co disposto na lei 29/1998, de 13 de xullo, reguladora da xurisdición contencioso-administrativa. Poderá formularse, con carácter potestativo, recurso de reposición no prazo dun mes, ante o mesmo órgano que ditou a resolución impugnada, de conformidade coa Lei 39/2015, do 1 de outubro, do procedemento administrativo común das administracións públicas.

BASE NOVENA. REINTEGRO VOLUNTARIO DAS SUBVENCÍONS

9.1.- De acordo co establecido no artigo 64 do Regulamento da Lei 9/2007, do 13 de xuño, aprobado polo Decreto 11/200, de 8 de xaneiro, as persoas beneficiarias poderán realizar, sen o requirimento previo da Administración, a devolución total ou parcial da subvención concedida, mediante o seu ingreso na conta que indicará o departamento de tesourería, en concepto de devolución voluntaria da subvención.

9.2.- A tal efecto presentarán escrito dirixido no rexistro do Concello de Cospeito informando da renuncia á axuda e solicitando o número de conta a efectos de reintegro.

9.3.- En todo caso, a persoa beneficiaria deberá presentar no rexistro do concello copia xustificada da devolución voluntaria realizada, na cal consten os datos identificativos do titular da axuda concedida, a data do ingreso, o seu importe e o número do expediente.

BASE DÉCIMA. OBRIGAS DAS PERSOAS E ENTIDADES BENEFICIARIAS

10.1.-As empresas beneficiarias da axuda deberán manter a actividade empresarial durante un tempo mínimo de tres meses desde a concesión da subvención.

10.2.-As persoas traballadoras autónomas beneficiarias da axuda deberán manter a alta no REX no tempo mínimo de tres meses desde a concesión da subvención.

10.3.-Todas as persoas beneficiarias deberán comunicarlle ao órgano concedente, calquera modificación das condicións tidas en conta para a concesión da subvención, así como compromisos e obrigas asumidas polas beneficiarias e, de ser o caso, a obtención concorrente de subvencións, axudas, ingresos ou recursos que financien as actividades subvencionadas.

10.4.-Someterse ás actuacións de comprobación e control financeiro previstas pola vixente normativa en materia de subvencións e achegar a información que lles sexa requirida.

10.5.-Proceder ao reintegro dos fondos percibidos nos supostos contemplados no artigo 37 do Regulamento xeral de subvencións, e en particular, por obter a subvención falseando as condicións requiridas.





Concello de Cospeito

para iso ou ocultando aquelas que o impediron, ou mostrar resistencia, escusa, obstrución ou negativa ás actuacións de comprobación e control financeiro prevista no artigo 14 da Lei Xeral de Subvencións.

10.6.-Deben manter unha pista de auditoría suficiente e ter na contabilidade de xeito separado o ingreso da axuda percibida, así como conservar os documentos xustificativos da aplicación dos fondos recibidos durante os dous anos seguintes a súa concesión.

10.7.-Tódalas persoas beneficiarias (físicas e xurídicas) estarán suxeitas a aqueloutras obrigas establecidas no artigo 11 da lei 9/2007, do 13 de xuño, de subvencións de Galicia.

10.8.-Todas as persoas e entidades beneficiarias deberán dar publicidade do financiamento do Concello de Cospeito.

BASE UNDÉCIMA. XUSTIFICACIÓN E PAGO DAS AXUDAS.

O aboamento da subvención levarase a cabo mediante un pago único, previa comprobación de que a documentación xustificativa presentada é a correcta de conformidade co obxecto da subvención, e tendo en conta que ésta xa deberá formar parte da documentación que acompaña á solicitude.

No caso de incumprimento das obrigas detalladas nesta convocatoria, o órgano xestor iniciará de oficio expediente administrativo que, previa audiencia á persoa interesada, propondrá a iniciación de procedemento de reintegro dos fondos, xunto coa liquidación dos xuros de mora correspondentes.

BASE DUODÉCIMA. REINTEGRO DAS SUBVENCIÓNS.

11.1.- Procederá a perda do dereito ao cobramento das axudas, así como o reintegro total ou parcial das cantidades percibidas e a exixencia do xuro de demora correspondente desde o momento do pagamento da subvención ata a data en que se acorde a procedencia do reintegro, nos casos previstos no artigo 33 da lei 9/2007, do 13 de xuño de subvencións de Galicia.

11.2.- A obtención, falseando as condicións requiridas ou ocultando aquelas que o impedisen, o lugar á perda do dereito ao cobramento da totalidade da axuda e ao seu reintegro. Esta circunstancia é constitutiva dunha infracción moi grave, segundo o artigo 53.a da lei 9/2007 de subvencións de Galicia, e poderanse impoñer as sancións recollidas no artigo 61.1 da mesma lei, multa pecuniaria proporcional do dobre á tripla da cantidade indebidamente obtida.

BASE DÉCIMO TERCEIRA. PROTECCIÓN DE DATOS ACHEGADOS COA SOLICITUDE

De conformidade co establecido na Lei Orgánica 3/2018, de 5 de decembro, de Protección de Datos Personais e Garantía dos Dereitos Dixitais e a súa normativa de desenvolvemento e ao Regulamento (UE) 2016/679 do Parlamento Europeo e do Consello do 27 de abril de 2016 relativo á protección das persoas físicas no que respecta ao tratamento de datos persoais e á libre circulación de datos e polo que se derroga a Directiva 95/46/CE (Regulamento xeral de protección de datos), como das disposicións en materia de Protección de Datos que se atopen vixentes durante o período de vixencia destas bases, informámolo de e que este concello é o responsable do tratamento e gardado dos datos achegados, na instancia e na documentación que lle acompaña. A finalidade do tratamento dos datos é a xestión deste procedemento.





Concello de Cospeito

Os datos persoais non serán comunicados a un terceiro, a non ser que deban facilitarse en cumprimento dunha obriga legal.

Os datos serán conservados o tempo necesario para poder levar a cabo o rexistro e as accións para as que se lle solicitou o consentimento.

Pode retirar o consentimento en calquera momento, podendo exercer os seus dereitos de acceso, rectificación, supresión, limitación, oposición e portabilidade, cando este último legalmente proceda, enviando unha comunicación ao enderezo concellodecospeito@concellodecospeito.es

Infórmase do dereito para presentar unha reclamación ante a Axencia Española de Protección de Datos, rúa Jorge Juan, 6, 28002 Madrid (www.agpd.es)

Así mesmo, de conformidade co establecido na lei 9/2007, do 13 de xuño, de subvencións de Galicia, as persoas interesadas poderán facer constar na súa solicitude o seu dereito a que non se fagan públicos os seus datos cando a publicación dos mesmos en razón do obxecto da subvención poida ser contraria ao respecto e salvagarda do honor e a intimidade persoal e familiar das persoas físicas en virtude do establecido na Lei Orgánica 1/1982, do 5 de maio, de Protección civil do dereito ao honor, á intimidade persoal e familiar e á propia imaxe, e sexa previsto na súa normativa reguladora.

BASE DÉCIMO CUARTA. COMPATIBILIDADE CON OUTRAS SUBVENCIÓNS

Estas axudas son compatibles con calquera outra subvención, ingresos ou recursos para a mesma finalidade, procedentes de calquera administración ou entidade pública ou privada, autonómica, estatal, da Unión Europea ou de organismos internacionais. En ningún caso o importe da subvención unido ao de outras posibles axudas, para a mesma finalidade, poderán superar o 100% do gastos correntes nos que se teña incorrido e imputado nesta convocatoria de axudas.

DISPOSICIÓNS FINAIS

1.- En todo aquilo non previsto nas presentes bases estarase ao establecido nas disposicións lexisladas vigentes aplicables na materia de subvencións.

2.- A convocatoria entrará en vigor ao día seguinte ao da súa publicación no BOP.

O ALCALDE,

Asdo.: Armando Castosa Alvariño

ANEXOS

**ANEXO I e ANEXO II
(Documento único)**

PROCEDEMENTO	DOCUMENTO
CONVOCATORIA DE AXUDAS A SECTORES AFECTADOS POLA SITUACIÓN PANDÉMICA DO CONCELLO DE COSPEITO	SOLICITUDE

(Datos da persoa solicitante cando pode ser unha persoa física ou xurídica)

DATOS DA PERSOA SOLICITANTE			
NOME/RAZÓN SOCIAL	PRIMEIRO APELIDO	SEGUNDO APELIDO	NIF

Concello de Cospeito

Avda. da Terra Cha, 29, Cospeito. 27377 (Lugo). Tfno. 982520001. Fax: 982520102



Cod. Validación: A39X7CM9M9JW6AX2HU3HM5QP | Corrección: <https://concellodecospeito.sedelectronica.es/>
Documento asinado electronicamente desde a plataforma xestiona esPublico | Páxina 10 a 13



Concello de Cospeito

TIPO	NOME DA VÍA	NÚM.	BLOQ.	ANDAR	PORTA
PARROQUIA		LUGAR			
CÓDIGO POSTAL	PROVINCIA	CONCELLO	LOCALIDADE		
TELÉFONO 1	TELÉFONO 2	CORREO ELECTRÓNICO			

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)

NOME/RAZÓN SOCIAL	PRIMEIRO APELIDO	SEGUNDO APELIDO	NIF
-------------------	------------------	-----------------	-----

DATOS PARA OS EFECTOS DE NOTIFICACIÓN

Enviaranse avisos da posta á disposición da notificación no correo electrónico ou teléfono facilitado a seguir

CORREO ELECTRÓNICO	TELÉFONO MÓVIL
--------------------	----------------

(Datos bancarios)

DATOS BANCARIOS

Declaro baixo a miña responsabilidade que son certos os datos consignados relativos á conta bancaria indicada.

TITULAR DA CONTA	NÚMERO DA CONTA BANCARIA (24 DÍXITOS)
	IBAN

A PERSOA SOLICITANTE OU REPRESENTANTE DECLARA:



Cod. Validación: A39X7CMGM9PJW6AXZHU3HM5QP | Corrección: <https://concellodecospito.sedelectronica.es/>
Documento asinado electronicamente desde a plataforma xestión esPublico | Páxina 11 a 13



Concello de Cospeito

1. Que, en relación con outras axudas concedidas ou solicitadas:

- Non solicitou nin se lle concedeu ningunha outra axuda para este mesmo proxecto ou conceptos para os cales se solicita esta subvención.
- Si solicitou e/ou se lle concederon outras axudas para este mesmo proxecto ou conceptos para os cales se solicita esta subvención, que son as que a seguir se relacionan:

ORGANISMO	IMPORTE

2. Que, en relación coas axudas *de minimis*:

- Non solicitou nin se lle concedeu ningunha axuda *de minimis*.
- Si solicitou e/ou se lle concederon axudas *de minimis*, que son as que a seguir se relacionan:

ORGANISMO	ANO	DISPOSICIÓN REGULADORA	IMPORTE

Así mesmo, comprométese a comunicar inmediatamente cantas axudas solicite e/ou obteña en réxime *de minimis* doutras administracións públicas ou doutros entes públicos, nacionais ou internacionais, a partir da data desta declaración.

3. Coñecer e aceptar integramente o contido das bases desta convocatoria, cumprindo a totalidade de requisitos que nelas se recollen.
4. Que o local do desenvolvemento da actividade se atopa no termo municipal de Cospeito.
5. Que perante a Seguridade Social, figuro dado/a de alta como autónomo/a en calquera dos epígrafes das actividades que recollen estas bases.
6. Que, dende a declaración do estado de alarma do 14 de marzo de 2020, tivo unha baixada de facturación de alo menos un 30%, comparando os datos de facturación do ano 2020 co 2019. No caso de por ser nova creación non teña datos do ano anterior, a baixada de facturación será entre o trimestre de maior e o de menor facturación.
7. Que solicita a concesión directa da axuda que lle corresponde segundo o establecido nestas bases.
8. Que manterá a alta no seu réxime de Seguridade Social, por un mínimo de 3 meses dende a recepción desta subvención.
9. Que comunicará de forma oficial ao Concello calquera modificación nos apartados anteriores.
10. Que a persoa solicitante reúne os requisitos para ser microempresa de conformidade co Anexo I do Regulamento (UE) nº 609/2014 da Comisión, do 17 de xuño de 2014.

Autorizo ao concello de Cospeito para que solicite, en calquera momento da tramitación da subvención, certificación de atoparse a cumprir o cumprimento das obrigas tributarias coa AEAT, Seguridade Social e co Concello Cospeito e a súa situación no censo de actividades e AEAT.

SI

NO

DOCUMENTACIÓN QUE SE PRESENTA

Concello de Cospeito

Avda. da Terra Cha, 29, Cospeito. 27377 (Lugo). Tfno. 982520001. Fax: 982520102





Concello de Cospeito

- NIF/CIF/NIE da persoa física ou xurídica titular da actividade
- Alta como autónomo na Seguridade Social (RETA)
- Certificación censal actualizado
- Certificado de titularidade de conta bancaria
- Modelo 390 dos anos 2019 e 2020
- Modelo 130 dos cuartos trimestres dos anos 2019 e 2020
- Libro rexistro de facturas emitidas dos períodos a comparar
- Facturas e os seus xustificantes bancarios de pago por un importe superior á cantidade solicitada de subvención
- Outros documentos acreditativos:

(Texto informativo básico sobre a protección de datos persoais.)

INFORMACIÓN BÁSICA SOBRE A PROTECCIÓN DE DATOS PERSOAIS

Responsable do tratamento	Concello de Cospeito
Finalidades do tratamento	Tramitar este procedemento, verificar os datos e documentos que a persoa interesada achegue na súa solicitude para comprobar a exactitude destes, levar a cabo as actuacións administrativas que se deriven e informar sobre o estado de tramitación. Así mesmo, os datos persoais incluíranse na Carpeta cidadá de cada persoa interesada para facilitar o acceso á información, tanto persoal como de carácter administrativo. Os datos persoais non serán comunicados a un terceiro, a non ser que deban facilitarse en cumprimento dunha obriga legal.
Lexitimación para o tratamento	O cumprimento dunha misión realizada en interese público ou no exercicio de poderes públicos a esta Entidade.
Destinatarios dos datos	As Administracións públicas no exercicio das súas competencias. Os datos persoais non serán comunicados a un terceiro, a non ser que deban facilitarse en cumprimento dunha obriga legal.
Exercicio de dereitos	As persoas interesadas poderán retirar o consentimento en calquera momento, podendo exercitar os seus dereitos de acceso, rectificación, supresión, limitación, oposición e portabilidade, cando este último proceda, legalmente proceda, enviando unha comunicación ao concellodecospeito@concellodecospeito.es . Infórmase do dereito para presentar unha reclamación ante a Axencia Española de Protección de Datos, rúa Jorge Juan, 6, 28002 Madrid (www.agpd.es)
Contacto coa persoa delegada de protección de datos e máis información	Avda. Terra CHÁ, 29C/P 27377 cospeito (Lugo) tamén dirixindo concellodecospeito@concellodecospeito.es ditas solicitudes deberán ser dirixidas a Delegada de Datos, facendo referencia ao dereito que pretende exercer e achegando copia do seu DNI/NIF ou que o/a identifique.

(Cadro de sinatura)

[SINATURA DA PERSOA SOLICITANTE OU REPRESENTANTE]

Lugar e data

Cospeito, de de

Concello de Cospeito

Avda. da Terra Cha, 29, Cospeito. 27377 (Lugo). Tfno. 982520001. Fax: 982520102

Cod. Validación: A39X7CM9P-JW6AX2-HJ3-HW5QP | Corrección: <https://concellodecospeito.es/validacion>
Documento asinado electronicamente desde a plataforma xestiona.esPublico | Páxina 13